



BAHAGIAN SUKAN, SENI DAN KOKURIKULUM
KEMENTERIAN PELAJARAN MALAYSIA
ARAS 1, BLOK E13,
KOMPLEKS KERAJAAN PARCEL E
PUSAT PENTADBIRAN KERAJAAN PERSEKUTUAN
62604 PUTRAJAYA

TEL : +603 88841341 / 88841002
FAKS : +603 88886790 / 88841034
LAMAM WEB : www.moe.gov.my

"1MALAYSIA : RAKYAT DIDAHULUKAN, PENCAPAIAN DIUTAMAKAN"

KP(BSSK-KOKU)305/2/9(6)
1 Februari 2010

Marcus Loh
Event Plus (M) Sdn. Bhd.
21-2, Jalan 8/5F
Bandar Damansara Perdana
47820 Petaling Jaya
Selangor

Tuan,

PROGRAM "ECO CHALLENGE: MAKING A DIFFERENCE"

Dengan segala hormatnya surat tuan bertarikh 15 Januari 2010 mengenai perkara di atas adalah dirujuk.

2. Sukacita dimaklumkan bahawa pihak Kementerian Pelajaran Malaysia (KPM) tiada halangan membenarkan permohonan daripada pihak tuan untuk menganjur dan melaksanakan program diatas di bawah kelolaan Kelab Leo dan Kelab Pencinta Alam di sekolah-sekolah terlibat. Pihak KPM turut menggalakkan penyertaan pelajar untuk mengambil bahagian di dalam program tersebut.

3. Sehubungan itu, pihak tuan diminta untuk mematuhi peraturan dan garis panduan yang telah ditetapkan oleh KPM di dalam menjalankan aktiviti kokurikulum yang dianjurkan oleh pihak tuan seperti berikut:

3.1 Pelaksanaan Program

- 3.1.1 program yang dilaksanakan hendaklah tidak bertentangan dengan semua dasar kerajaan dan dasar KPM;
- 3.1.2 program yang dicadangkan hendaklah tidak mengganggu pelaksanaan pengajaran dan pembelajaran serta lain-lain program yang telah dirancang oleh sekolah, PPD, JPN dan KPM;
- 3.1.3 program yang dilaksanakan hendaklah sama seperti yang dimohon dan diluluskan;
- 3.1.4 tiada unsur paksaan ke atas murid, sekolah dan guru untuk menyertai program yang dianjurkan;
- 3.1.5 tiada bayaran untuk penyertaan dikenakan kepada murid, guru dan sekolah;
- 3.1.6 **penganjur hendaklah menanggung sepenuhnya semua kos penganjuran program/aktiviti yang dianjurkan** termasuk pengangkutan, makan, minum dan penginapan murid, guru, pegawai pengiring yang terlibat dan tiada implikasi kewangan kepada KPM, JPN, PPD dan sekolah-sekolah yang terlibat dengan pelaksanaan program-program yang dinyatakan;

- 3.2 Kebenaran Pengarah JPN
 - 3.2.1 kebenaran daripada Pengarah JPN dan Pengetua/Guru Besar hendaklah diperolehi terlebih dahulu sebelum mengadakan program di sekolah;
- 3.3 Kebenaran Ibubapa/Penjaga
 - 3.3.1 semua murid yang mengambil bahagian mestilah mempunyai kebenaran bertulis daripada ibubapa/penjaga;
- 3.4 Keselamatan
 - 3.4.1 program/aktiviti hendaklah dilaksanakan di tempat (*venue*) dan premis yang telah disahkan selamat oleh pihak berkuasa yang berkenaan;
 - 3.4.2 pihak-pihak berkuasa yang berkenaan seperti Polis Di Raja Malaysia (PDRM), Jabatan Bomba dan Penyelamat, Jabatan Pertahanan Awam Malaysia (JPAM), Jabatan Laut, Jabatan Hutan, Shahbandar, PERHILITAN dan Pihak Berkuasa Tempatan (PBT) hendaklah dimaklumkan secara rasmi mengenai keseluruhan program/aktiviti yang hendak dijalankan (jika berkenaan);
 - 3.4.3 semua langkah-langkah dan arahan-arahan keselamatan am dan khusus yang telah dimaklumkan oleh semua pihak-pihak yang berkenaan hendaklah dipatuhi sepanjang masa program/aktiviti;
 - 3.4.4 bagi aktiviti di luar bilik darjah, semua guru, pegawai pengiring, jurulatih dan pegawai penganjur hendaklah terdiri daripada mereka yang bertauliah dan terlatih dalam bidang berkenaan;
- 3.5 Guru atau Pegawai Pengiring
 - 3.5.1 untuk setiap aktiviti 1 (satu) orang Guru/Pegawai Pengiring adalah diperlukan untuk seramai 1 (satu) orang hingga 10 (sepuluh) orang murid;
 - 3.5.2 nisbah maksimum adalah 1 (satu) orang Guru/Pegawai Pengiring bagi setiap 10 (sepuluh) orang murid;
 - 3.5.3 mesti ada Guru/Pegawai Pengiring perempuan jika program melibatkan murid perempuan, dan mesti ada Guru/Pegawai Pengiring lelaki jika program melibatkan murid lelaki;
- 3.6 Masa Perjalanan
 - 3.6.1 bagi program harian, masa perjalanan ke tempat aktiviti dan pulang dari tempat aktiviti hendaklah dilakukan pada waktu pejabat sahaja;
 - 3.6.2 bagi perjalanan yang mengambil masa melebihi 9 jam, perjalanan hendaklah tidak melebihi daripada jam 10.30 malam. Pengecualian adalah kepada perjalanan yang melibatkan penerbangan sama ada terus, atau transit, domestik dan antarabangsa, atau perjalanan yang telah dibenarkan oleh Pengarah JPN;
- 3.7 Masa Aktiviti
 - 3.7.1 sekiranya tempat bermalam tidak disediakan, program/aktiviti harian hendaklah ditamatkan tidak lebih daripada 4.30 petang di negeri-negeri Sabah, Sarawak dan WP Labuan dan 5.00 petang di negeri-negeri di Semenanjung Malaysia;
 - 3.7.2 bagi program yang melibatkan bermalam dan tempat bermalam disediakan, aktiviti yang dilaksanakan hendaklah tidak lebih daripada 10.30 malam, atau sebagaimana yang dinyatakan di dalam permohonan dan telah diluluskan;

3.8 Penggunaan Logo KPM

- 3.8.1 penggunaan logo KPM dibenarkan hanya untuk "backdrop", "banner", sijil, cenderamata, kad jemputan dan buku program sahaja;
- 3.8.2 penggunaan logo KPM tidak dibenarkan untuk tujuan mendapatkan tajaan atau lain-lain yang bertujuan komersial;

3.9 Kecemasan

- 3.9.1 Bilik/Tempat Rawatan/Kecemasan (*Sick Bay*) berserta dengan Pegawai yang bertugas dan pengangkutan yang relevan hendaklah disediakan sepanjang masa di premis atau tempat di mana murid sedang mengikuti aktiviti;
- 3.9.2 pihak penganjur hendaklah memaklumkan kepada KPM, JPN, PPD, Pengetua, Guru Besar dan ibubapa/penjaga, pegawai penganjur yang boleh dihubungi sepanjang masa program;

3.10 Laporan

- 3.9.1 pihak penganjur hendaklah mengemukakan Laporan Penuh Program kepada Ketua Pengarah Pelajaran Malaysia (u.p Pengarah Bahagian Sukan, Seni dan Kokurikulum, BSSK) dalam tempoh satu (1) bulan selepas tamat program.

4. Kelulusan ini adalah hanya untuk program yang tersebut di atas dan tamat tempoh pada **31hb Disember 2010**.

5. Pihak tuan diminta memaklumkan kepada KPM persetujuan pihak tuan untuk melaksanakan program berkenaan mengikut syarat-syarat yang telah dinyatakan dalam para 3 di atas dalam tempoh dua (2) minggu selepas penerimaan surat ini.

Sekian. Terima kasih.

" BERKHIDMAT UNTUK NEGARA "

Saya yang menurut perintah.



(SHAMSURI BIN SUJAK)
b.p. Ketua Setiausaha
Kementerian Pelajaran Malaysia

s.k
Pengarah
Jabatan Pelajaran Negeri
Seluruh Malaysia
(Maklumat berkaitan program ini adalah seperti dalam lampiran)